



Inungnun Tuhaqtitauyughaq

Aanniqtailuhi Umialiqivikmi

Aullaqtiruti Uplua: Aakassi 20, 2014
Taimaaqvik Uplua: Aktuupa 31, 2014
Nunavut

60 sec

Nunavunmiut aanniqtailiquyahimayut hanianiitkaangamik umiat tulaktaqviinni umiat tikihimaliraangata, Julaimin Aktuupamun.

Tulaktaqviit uhiyaiviit uhiliqtuqviit hinaani havakvikpialiriyauvaktut angiyut aghaluutit atuqtauplutik. Angiyunik agluuhiqiyit takulimaittungnarhiyut inungnik aghaluutinikluunniit hamani hanianiluunniit.

Aanningittaaqni, maliklugut qayangnaitkutit umialiqivikmi:

- Pihuguiqlutit ighinnaqtailugilluunniit aghaluutit tulaktaqvikni hinaaniluunniit umiat uhilirhirviani uhiyaqvianiluunniit;
- Ahiqpaniillutit angiyunit aghaluutinit;
- Nutaqqat mayuaqtughaungittut ulapqiyughaungittut qiuqutini, havagalikni igluqpani agyaqtautini angiyuniluunniit aghaluutini; imaalu
- Maliklugit tamaita naunaitkutit humungautqiyiillu umiap aghaluuhiqiyiinnin havaktiinninlu mighaagut aanniqnainnikkut uhilirhinikkut uhiyarnikkullu ininginnik.

###

Uqaqtigivikhaq:

Hillary Casey
Tuhagakhaliriyi
Nunalingni Kavamatkunillu Pivikhaqautikkut
Hivayaut: 867-975-5342
Qaritauyakkut: hcasey@gov.nu.ca